



Llywodraeth Cymru
Welsh Government

Pecyn gwybodaeth i ymgeiswyr

Y Panel Cyngori ar Gamddefnyddio Sylweddau (ApoSM)

Penodi Cadeirydd

Dyddiad Cau: 5 Mehefin 2017



**The Commissioner for
Public Appointments**

Y Panel Cyngori ar Gamddefnyddio Sylweddau (ApoSM)

Cynnwys

Tudalen

Gwneud Cais

4

Atodiad A: Rôl y Cadeirydd

6

**Atodiad B: Rôl a chyfrifoldebau'r Panel Cyngori ar Gamddefnyddio
Sylweddau**

8

Atodiad C: Y broses ddethol

9

Y Panel Cyngtori ar Gamddefnyddio Sylweddau (ApoSM)

Gwneud cais

Diolch am fynegi diddordeb yn y penodiad i fod yn gadeirydd y Panel Cyngtori ar Gamddefnyddio Sylweddau (ApoSM). Rôl gyngtori sydd gan ApoSM wrth ymdrin â'r gwahanol feysydd arbenigedd sy'n berthnasol i ddelio â chamddefnyddio sylweddau yng Nghymru. Mae'r Atodiadau sydd ynghlwm yn rhoi manylion ynghylch rôl y cadeirydd a manyleb y person, rôl a chyfrifoldebau APoSM a'r broses ddedol.

I wneud cais ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-643606d0a1d8/candidate/jobboard/vacancy/7/adv/>

I wneud cais am y rôl hon, cliciwch ar swydd ac yna cliciwch y botwm 'Gwneud Cais' ar waelod y dudalen ar yr ochr chwith. Y tro gyntaf ichi wneud cais am swydd, bydd angen ichi lenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy eich cyfrif.

Unwaith ichi gofrestru, byddwch yn gallu cael mynediad at y ffurflen gais. I wneud cais bydd angen ichi lanlwytho datganiad personol a CV i adran 'Rhesymau dros ymgeisio' y ffurflen gais ar-lein.

Datganiad Personol

Eich datganiad personol yw eich cyfle i ddangos sut yr ydych yn bodloni'r holl feini prawf a nodir ym manyleb y person. Cewch chi benderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae eich gwybodaeth a'ch profiadau yn cyd-fynd â phob maen prawf, ac sy'n disgrifio eich swyddogaeth chi wrth gyflawni canlyniad penodol. Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae'n arfer cyffredin darparu paragraffau ar wahân mewn perthynas â phob maen prawf.

Ni ddylai'r datganiad personol fod yn hwy na dwy dudalen. Gallai eich cais gael ei wrthod os byddwch yn mynd dros y terfyn hwn.

CV

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd hon. Nodwch unrhyw benodiadau Gweinidogol presennol neu flaenorol.

Amserlen Fras

Dyddiad cau:

5^{ed} Mehefin 2017

Llunio rhestr fer:

w/d 12^{fed} Mehefin 2017

Cyfweliadau:

w/d 3^{ydd} Gorffennaf 2017

Y Panel Cynghori ar Gamddefnyddio Sylweddau (ApoSM)

Datganiad am Amrywiaeth

Mae Llywodraeth Cymru yn credu y dylai cyrff cyhoeddus gael aelodau bwrdd sy'n adlewyrchu cymdeithas yng Nghymru - pobl o bob cefndir - i'w helpu i ddeall anghenion pobl a gwneud penderfyniadau gwell. Dyma pam mae Llywodraeth Cymru yn annog ystod eang ac amrywiol o unigolion i wneud cais am benodiadau i gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Yn Gadarn o Blaid Pobl Anabl

Mae Llywodraeth Cymru yn gweithredu cynllun Cadarn o Blaid Pobl Anabl ac yn croesawu ceisiadau gan bobl sydd ag anabledau. Mae'r cynllun hwn yn sicrhau cyfweliad i bobl sydd ag anabledau os byddant yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol y gall fod ei angen arnoch os cewch wahoddiad i gael cyfweliad.

Manylion Cyswllt:

I gael rhagor o wybodaeth am y broses ddethol, cysylltwch â:

Y Ganolfan Cydwasanaethau Corfforaethol

Ffôn: 029 2082 5454

E-bost: DesgGymorthCydwasanaethau@cymru.gsi.gov.uk

I gael rhagor o wybodaeth am rôl APoSM cysylltwch â

Chris Gittins

Ffôn: 0300 062 8263

E-bost: Christopher.Gittins@cymru.gsi.gov.uk

Os oes angen rhagor o gymorth arnoch chi i wneud cais am y rôl hon, cysylltwch â Desg Gymorth Canolfan Cydwasanaethau Corfforaethol Llywodraeth Cymru ar 029 2082 5454 neu anfonwch e-bost i DesgGymorthCydwasanaethau@cymru.gsi.gov.uk

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus

Penodi Cadeirydd y Panel Cyngori ar Gamddefnyddio Sylweddau (ApoSM)

Disgrifiad o'r rôl a manyleb y person

Rôl a chyfrifoldebau

Prif gyfrifoldeb y cadeirydd yw arwain y Panel a bodloni cyfrifoldeb cyffredinol y Bwrdd dros ddarparu cyngor i'r Gweinidog Iechyd y Cyhoedd a Gwasanaethau Cymdeithasol ar fynd i'r afael â chamddefnyddio sylweddau yng Nghymru. Er mwyn symbylu, arwain ac ysbrydoli eraill i gymhwyso eu sgiliau i'r eithaf bydd arnoch angen gwybodaeth a phrofiad o faterion camddefnyddio sylweddau ar lefel genedlaethol a rhyngwladol, a Chymru yn arbennig. Yn ogystal â chynnig arweinyddiaeth i'r Panel, bydd yn ofynnol ichi ddatblygu consensws ymhlith y Panel ar lunio argymhellion i'r Gweinidog Iechyd y Cyhoedd a Gwasanaethau Cymdeithasol ac i gynrychioli'r Panel i'r Gweinidog ac uwch wleidyddion eraill.

Manyleb y Person

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o feini prawf hanfodol y rôl.

Meini Prawf Hanfodol

Arbenigedd

- Dealltwriaeth dda a gwerthfawrogiad o'r materion gwleidyddol a chymdeithasol sy'n effeithio ar faterion camddefnyddio sylweddau yng Nghymru;
- Dealltwriaeth dda a gwerthfawrogiad o faterion gwleidyddol a deddfwriaethol yng Nghymru;
- Profiad o ddylanwadu ar lunio polisi, yn deillio o brofiad yn y sector preifat, cyhoeddus neu wirfoddol;

Sgiliau ac Ymddygiad

- Priodoleddau arweinyddiaeth da, gan gynnwys y gallu i symbylu, arwain ac ysbrydoli eraill;
- sgiliau cyfathrebu effeithiol a dylanwadol, gan gynnwys y gallu i wrando, i ofyn am wybodaeth ac i ofyn cwestiynau er mwyn sicrhau dealltwriaeth o bryderon pobl eraill;
- Sgiliau da ym maes rheoli cydberthnasau gan gynnwys y gallu i sefydlu a chynnal cydberthynas weithio dda â rhandaliad allweddol;
- Dealltwriaeth o strategaeth Cymru (a'r Cynllun Cyflawni cysylltiedig) ar gyfer delio â chamddefnyddio sylweddau a datblygiadau ar lefel y DU;

Y Panel Cyngori ar Gamddefnyddio Sylweddau (ApoSM)

- Dealltwriaeth glir o faterion cydraddoldeb ac amrywiaeth ac ymrwymiad iddynt.

Y Gymraeg

Nid oes angen sgiliau Cymraeg i gyflawni rôl Cadeirydd y Panel Cyngori ar Gamddefnyddio Sylweddau (ApsOM).

Ffeithiau allweddol am y swydd

| | |
|------------------------|--|
| Lleoliad: | Yng Nghaerdydd y cynhelir y cyfarfodydd fel rheol |
| Hyd y penodiad: | ryw 10 diwrnod y flwyddyn |
| Cyfnod y swydd: | Cyfnod penodi cychwynnol o 3 blynedd |
| Taliad Cydnabyddiaeth: | Bydd aelodau'r Panel yn gwasanaethu yn wirfoddol ac yn ddi-dâl. Gellir hawlio costau teithio ac unrhyw gostau rhesymol eraill sy'n codi wrth gyflawni gwaith y Panel oddi wrth Lywodraeth Cymru o fewn y terfynau cydnabyddedig. |

Cymhwysedd

Dylai ymgeiswyr hefyd nodi y bydd bod yn aelod o'r Panel Cyngori ar Gamddefnyddio Sylweddau (ApsOM) yn golygu na fyddant yn gymwys i fod yn aelod o Gynulliad Cenedlaethol Cymru o dan Orchymyn Cynulliad Cenedlaethol Cymru (Anghymhwys) 2015. <http://www.legislation.gov.uk/uksi/2015/1536/contents/made>

Gwrthdaro buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Cadeirydd y Panel Cyngori ar Gamddefnyddio Sylweddau (ApsOM) gan gynnwys buddiannau busnes neu swyddi o awdurdod y tu allan i'ch rôl o fewn ApsOM.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

Safonau mewn bywyd cyhoeddus

Bydd disgwyl ichi ddangos safonau uchel o ran ymddygiad corfforaethol a phersonol. Bydd gofyn i'r holl ymgeiswyr llwyddiannus gydymffurfio â Chod Ymddygiad Aelodau Byrddau Cyrff Cyhoeddus. Gallwch weld y ddogfen yma:

<http://www.bl.uk/aboutus/governance/blboard/Board%20Code%20of%20Practice%202011.pdf>

Rôl a chyfrifoldebau'r Panel Cyngori ar Gamddefnyddio Sylweddau (APoSM)

Cefndir

Corff a noddir gan Lywodraeth Cymru a sefydlwyd o dan bwerau gweithredol cyffredinol Gweinidogion Cymru yw'r Panel Cyngori ar Gamddefnyddio Sylweddau (APoSM). Mae'r Panel yn adrodd i'r Gweinidog Iechyd y Cyhoedd a Gwasanaethau Cymdeithasol.

Rôl y Bwrdd

Corff cyngori arbenigol yw'r Panel sy'n rhoi cyngor i gefnogi ymagwedd sy'n seiliedig ar bolisi ar faterion y mae'r Gweinidog yn eu cyfeirio ato. Mae'r Panel hefyd yn darparu cyngor ar faterion perthnasol ar e liwt ei hun yn unol â chytundeb â'r gweinidog fel rhan o'i raglen waith flynyddol sy'n cynnwys y materion canlynol:

- Cyngori'r Gweinidog ar fesurau i atal neu leihau camddefnyddio sylweddau;
- Cyngori'r Gweinidog ar y niwed cysylltiedig i iechyd a chymdeithas a sut y gellir ei atal neu ei leihau
- Adolygu'r ffordd y mae Strategaeth Camddefnyddio Sylweddau Llywodraeth Cymru'n cael ei rhoi ar waith.

Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweiliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Sicrhewch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Bydd y panel dethol yn cael ei gadeirio gan Tracey Breheney, Llywodraeth Cymru ac fe fydd hefyd yn cynnwys Chris Gittins, Llywodraeth Cymru a Lee Robinson, Cadeirydd Bwrdd Cynllunio Ardal y Gogledd fel Aelod Annibynnol o'r Panel.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhag-weld y bydd y panel yn penderfynu yn ystod yr wythnos yn dechrau 12^{fed} Mehefin 2017 pwy fydd yn cael eu gwahodd i gyfweiliad yn ystod yr wythnos yn dechrau 3^{ydd} Gorffennaf 2017.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweiliad. Fodd bynnag, os ydych wedi ymgeisio o dan y cynllun gwarantu cyfweiliad, a'ch bod yn bodloni'r meini prawf hanfodol ar gyfer y swydd, cewch chithau hefyd eich gwahodd i gyfweiliad.

Os cewch eich gwahodd i gyfweiliad ac nad yw'r dyddiad eisoes wedi'i nodi yn y pecyn gwybodaeth hwn, ein nod yw rhoi cymaint o rybudd â phosibl ichi o ddyddiad y cyfweiliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dethol.

Fe gewch e-bost gan y system benodi i roi gwybod ichi a ydych wedi eich gwahodd i gyfweiliad ai peidio. Ein bwriad yw cynnal cyfweiliadau yng Nghaerdydd.

Os cewch eich gwahodd i gyfweiliad, bydd y panel yn eich holi ynghylch eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a osodwyd ar gyfer y swydd ai peidio.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Gall y Gweinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwloch amser rhwng y cyfweiliad a'r penderfyniad penodi terfynol. Bydd yr ymgeiswyr a gafodd eu cyfweld yn cael yr wybodaeth ddiweddaraf.

Y Panel Cyngori ar Gamddefnyddio Sylweddau (ApoSM)

Os byddwch yn llwyddiannus, cewch lythyr yn eich penodi'n gadeirydd y Panel Cyngori ar Gamddefnyddio Sylweddau (ApsOM), a fydd yn cadarnhau telerau'r penodiad.

Os na fyddwch yn llwyddiannus yn dilyn eich cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech er mwyn ymgeisio am rolau, ac felly mae rhoi adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweiliad a'ch cais, os dymunwch wneud hynny.

Ymholiadau

Oes gennych gwestiynau am eich cais, cysylltwch â Desg Gymorth y Ganolfan Cydwasanaethau Corfforaethol ar 029 2082 5454 neu DesgGymorthCydwasanaethau@cymru.gsi.gov.uk

Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â Desg Gymorth y Ganolfan Cydwasanaethau Corfforaethol ar 029 2082 5454 neu anfonwch e-bost i DesgGymorthCydwasanaethau@cymru.gsi.gov.uk.